

REGIONAL NEWS BULLETIN

HEADLINES (EVENING)

1. Sum hmuh loh avanga PM POSHAN hnuaiia zirlai naupangte hnena chawchhun sem thin khaih lak mai tur chu sorkarin hma la in, chin fel tum a ni.
2. Health Minister Pi Lalrinpuii chuan Mizoram chu ruihhloin a run mek a, sorkar, kohhran, chhungkua leh khawtlang angin Mizoram a buai phah hle a ni a ti.
3. Election Commission of India chuan vawiin khan Jharkhand Assembly inthlan thawhkhatna atana hriattirna a ti chhuak.
4. Vice President Jagdeep Dhankar chuan mihring dikna chanvo Human Rights humhim chu India ram nun lairil ber luahtu a ni a ti.

<><><>

MIDDAY MEAL

Pradhan Mantri Poshan Shakti Nirman (PM POSHAN) hnuaiia zirlai naupangte hnena chawchhun sem thin chu, kumin January thla atang khan sum awmlah avanga harsatna tawkin, sorkar school te chuan vawiin atangin tihtawp an tum a, amaherawhchu sorkar nen inbiain, tha taka kalpui chhunzawm a ni.

Hemi chungchangah hian Mizoram sorkar chuan chawchhun atan bika state tum ve tur cheng nuai 484 sing 2 sang 9 chu vawiin khan a sanction a, harsatna awm lova sem chhunzawm theih beisei a ni tih kan corr chuan a sawi.

VC

Mizoram sorkar hnuaiia Primary school leh Middle School ah te chaw chhun sem thin a ni a, kumin January thla atanga tun thlengin chawhmeh man pek chhuah a ni lo va, Cook-cum-Helper hlawh pawh thla 4 lai pek a ni tawh lova ni.

Hetihlai hian, sorkar chuan kumin zirna tan kum April thla atang khan Cook-cum-Helper te hlawh thlakhata Rs. 1500 chu cheng 3000-ah tih san a ni a, he hlawh thar hi April leh May thla pek a ni a, June thla atanga tun thlengin pek a ni leh tawh lo a ni.

Vawiin khan School Education Department chuan thuchhuah siamin school hrang hranga chawchhun pek thina harsatna awm chungchangah fund pekchhuah dan thar hman a nih dawn vang a ni a ti a, Fund pek chhuah dan system thar PFMS (Public Financial Management System) hnuaiiah State Link Scheme awm lehin Account pathum hawn a ni a, chu chu a hran theuhin Finance Department, PFMS leh State Treasury leh Central lama PFMS te nen inthlunzawm vek a ngaih avangin hemi buaipui chhung hi hun a heh vang a ni ber tih an sawi a ni.

An harsatna tawh chu Central lamah pawh lamkal intirin bawhzui nghal turin Department in hma a la tih School Education Department chuan an sawi a, rei loteah chin fel thuai beisei a ni an ti.

(Corr/PTC)

<><><>

MIZORAM LITERATURE FESTIVAL

Mizoram Literature Festival vawiina Aijal Club-a chhunzawm chu I&PR Minister Dr. Vanlalhlana leh Sports Minister Pu Lalngchinglova Hmar ten an hmanpui a.

Dr. Vanlalhlana chuan publishing house lian hrang hrang atanga ziaktu lawk tak tak an pungkhawm chu lawmawm a tih thu a sawi a. Heng ziaktu tha tak tak tel te chuan festival-a tel te tan hlawkna tha tak an rawn thlen a beisei thu leh Mizoram tan pawha hlawkna tam tak thlentu an nih a beisei thu a sawi a ni.

(BYTE)

Pu Lalnginglova Hmar pawhin thusawiin Mizoram Literature Festival-a ziaktu lar lo kal te chuan ziaktu naupang zawkte a tih phur ngei a beisei thu a sawi a. Mizoramin ziaakmi a neih te chu Mizoram pela an thuziak te a darh zel theihna tura tan la turin a fuih a, sap tawng leh Hindi-a thuziak te chuan a thlen hlat lehzual avangin helama tan la tur hian a fuih baw a ni.

Mizoram Literature Festival ni hnihnaah hian ziaktu lar Jerry Pinto, Sanjoy Hazarika leh midangin hun an hmang a ni.

(Corr)

<><><>

HEALTH MINISTER

Health Minister Pi Lalrinpuii chuan Mizoram chu ruihhloin a run mek a, sorkar, kohhran, chhungkua leh khawtlang angin Mizoram a buai phah hle a ni a ti.

Wawiina Aizawla Synod Conference Centre, Trained Nurses Association of India, Mizoram State Branch kum 60-na a hmanpuinaah he thu hi a sawi a. Minister chuan Mizo thalai, Mizo hnam hmahuna mi pawimawh tak tak tur te chu engmah pawh ti thei loin ruihhlo buaiin an buai a, home leh centre hrang hrangah an indah nghek nghuk a ni a ti a. Minister chuan India ram HIV/AIDS kai tam lama sang ber dinhmun luahtu Mizoram a ni mek tih pawh sawiin India ram pumpui chawhrual zat let 10 chuangin Mizoram a sang zawk a ti a. MLA 25 awmna Mizoram Legislative Forum on AIDS thutkhawm an neihah hotu thenkhat ten an duh khauh tawh em em tih a sawi a ni. HIV/AIDS kai te thup reng chu a tha ber em, naupai zawng zawng test an paltlang angin innei tur apiang test mai te a tul tawh em tih thlenga an sawi tawh thu a sawi a, an la kalpui lo ang tih pawh a sawi theih loh a ti.

(BYTE)

Minister chuan Mizo nurse te chu chhuanawm a tih thu sawiin khawvel hmun hrang hranga hnathawka an kalnaah chawimawina hrang hrang an dawng thei te chu lawmawm a tih thu a sawi a. Nurse te chawimawina Florence Nightingale Award mi 16 laiin an dawng tawh chu lawmawm a tih thu a sawi baw.

Wawiina TNAI Diamond jubilee lawmnaah hian an member kum 80 chunglam te an chawimawi bakah Florence Nightingale Award dawngtu Pi H. Mankimi leh Mizo nurse zinga Professor hmasa ber leh awmchhun Prof Lalfamkimi te chawimawina hun hman a ni baw a. TNAI Northeast region Vice President Pi Cheryl Susan Tada in he hun hi a hmanpui baw a ni.

TNAI Diamond jubilee hi Dist dangah pawh urhsun taka hman a ni.

(Corr)

<><><>

MASIHI SANGATI

Mizoram Synod Mission Board hnuaia hnam dang inkhawmpui lian Masihi Sangati Convention vawi 33-na chu zanin atang hian Saitualah tan a ni dawn a, Pathianni thleng a aw h ang.

Inkhawmpui hi Saitual Pastor bial pahnih, Saitual leh Saitual Chhimveng Pastor Bialten inthlentawmin Saitual Kohhran Biak In behchhanin Pandal sak a ni a, palai hmasate nimin atang khan an thleng tan tawh a, vawiin thian a nawlpui an thleng a ni.

Hnam dang bik hi riaikhawmna hmun bik buatsaihah an awm , puipate, zaipawl member, Evangelist leh Fellowship hrang hrang atanga lo kalte chu bial pahnih huam chhunga mimal inah sem darh an ni ang.

Masihi Sangati Convention-ah hian palai 4,000/5,000 te hun kal tawhah an tling thin a, tum hian hetiang zat vel thleng thei turin inbuatsaihna kalpui a nih thu Saituala kan corr chuan a sawi a ni/.

Convention-ah hian Speaker Rev.Darrema Hlawndo, Aizawl Hmar Bial a ni ang a, thupui 'Chhandamtu Isua' Tirh 4:12 hman a ni ang.

(Rammawizuala Saitual PTC)

<><><>

JHARKHAND ELECTION

Election Commission of India chuan vawiin khan Jharkhand Assembly inthlan thawhkhatna atana hriattirna a ti chhuak. Inthlan thawh khatna hi November ni 13-ah neih tur niin Assembly bial 43 ah vote thlak a ni ang.

Inthlan chuh tumte tan tun thla ni 25 thleng nomination thehluh theih a ni a. NI 28 ah endik a ni ang a, tun thla vek ni 30 thleng inhnuhdawhna hun hawn a ni. Inthlan thawh hnihna hi thla leh November ni 20 ah neih tur a ni a. November ni 23 ah vote chhiar a ni ang.

(Newsonair)

<><><>

VICE PRESIDENT ON NHRC

Vice President Jagdeep Dhankar chuan mihring dikna chanvo Human Rights humhim chu India ram nun lairil ber luahtu a ni a ti. Vawiin a New Delhi-a National Human Rights Commission dincham lawmnaah he thu hi sawiin Pu Dhankar chuan Indian Constitution chu human rights hruaitu arsi a ni a ti bawk.

(Audio)

He hunah hian NHRC Chairperson Vijaya Bharati Sayani leh Secretary General Bharat Lal pawhin thu a sawi a ni.

(Newsonair)

<><><>

PM

Prime Minister Narendra Modia chuan ni hnih chamin tun thla ni 22 hian Russia-ah a zin dawn. Russia-ah hian Brazil, Russia, India, China, and South Africa (BRICS) Summit. vawi 16-ah a tel dawn a ni. External Affairs Ministry sawidanin Prime Minister Modia hian Summit karlakah hian BRICS member ram hruaitute nen an inkawm bawk ang.

(Newsonair)

<><><>